



Seltjarnarnesbær

Ársskýrsla 2014

Efnisyfirlit

	Bls.
Inngangur	3
Fulltrúar Seltjarnarnesbæjar í nefndum og stjórnnum	4
Fulltrúar Seltjarnarnesbæjar í samstarfsnefndum/verkefnum	5
Umhverfissvið	6
Félagsþjónustusvið	10
Fjárhags- og stjórnsýslusvið	15
Íþrótt- og tómstundasvið	16
Fræðslusvið	21
Menningar- og samskiptasvið	28

Ársreikningur bæjarsjóðs 2014

Inngangur ársskýrslu Seltjarnarness 2014

Ársskýrsla Seltjarnarness 2014 samanstendur af greinargerðum sviðstjóra sviða og tölulegum hluta sem inniheldur upplýsingar vegna samantekins A- og B- hluta.

Fjárhagsáætlun ársins 2014 var unnin við nýjar aðstæður. Ný sveitarstjórnarlög og fjármálareglur setja nýjan ramma, sem hefur þau áhrif að vinnan var a.m.k. mánuði á undan því sem venja hefur verið.

Í 62. gr. laganna um fjárhagsáætlanir segir: Sveitarstjórn skal á hverju ári afgreiða fjárhagsáætlun fyrir komandi ár og næstu þrjú ár þar á eftir. Saman mynda þessar áætlanir fjögurra ára áætlun fyrir sveitarfélagið sem felur í sér heildaráætlun um fjármál sveitarfélagsins á tímabilinu, bæði A- og B-hluta.

Í samræmi við löginn var gerð fjöggra ára áætlun fyrir árin 2014-2017. Lög um fjögurra ára áætlun er liður í því að fá sveitarfélögin til að horfa lengra fram í tímann varðandi fjárfestingar og rekstur svo menn sjái betur hvert stefnir.

Tímaritið Vísbending hefur mörg undanfarin ár skoðað fjárhag sveitarfélaga og gefið einkunnir eftir nokkrum þáttum. Einkunnagjöfin mælir þó fyrst og fremst fjárhagslegan styrk og horft er á sveitarfélagið í heild, þ.e. samstæðuna. Seltjarnarnesbær var í fyrsta sæti vegna ársins 2013. Ástæðurnar má rekja til þess að Seltjarnarnes er með lægstu útsvarsprósentu á landinu, sem vegur hvað þungst á vogarskálum þeirrar reiknireglu sem Vísbending leggur til grundvallar matinu.

Megináherslur í fjárhagsáætlun 2014 eru hér eftir sem hingað til að hafa að leiðarljósi að verja grunnþjónustu bæjarfélagsins, s.s. fræðslustarfsemi og félagslega þjónustu.

Fjárhagur Seltjarnarness er mjög traustur og reksturinn ábyrgur. Skuldastaða sveitarfélagsins er með því lægsta á landinu.

Starfsfólk Seltjarnarnesbæjar hefur lagt mikla áherslu á samstarf milli stofnana og deilda í því skyni að ná sem bestri þjónustu við íbúa bæjarins.

Ég vil nota tækifærið og þakka bæjarstjórn samstarfið og öllu því góða starfsfólki Seltjarnarnesbæjar, góða vinnu og frábæran árangur í rekstri hans á árinu 2014.

Ásgerður Halldórsdóttir, bæjarstjóri.

Fulltrúar Seltjarnarnesbæjar í nefndum og stjórnnum 31. des. 2014

Bæjarstjórn Seltjarnarness

Ásgerður Halldórsdóttir bæjarstjóri
Bjarni Torfi Álfþórsson, forseti bæjarstj.
Magnús Örn Guðmundsson
Guðmundur Ari Sigurjónsson
Sigrún Edda Jónsdóttir
Árni Einarsson
Margrét Lind Ólafsdóttir

Endurskoðandi

Auðunn Guðjónsson KPMG hf.

Fjölskyldunefnd

Guðrún B. Vilhjálmsdóttir, formaður
María Fjóra Pétursdóttir
Laufey Elísabet Gissurardóttir
Magnús Margeirsson
Halldóra Jóhannesdóttir

Bæjarráð

Sigrún Edda Jónsdóttir, formaður
Bjarni Torfi Álfþórsson
Margrét Lind Ólafsdóttir

Íþróttá- og tómstundaráð

Magnús Örn Guðmundsson, formaður
Sigríður Sigmarsdóttir
Ásgeir G. Bjarnason
Rán Ólafsdóttir
Eva Margrét Kristinsdóttir

Jafnréttisnefnd

Guðrún B. Vilhjálmsdóttir formaður
Karl Pétur Jónsson
Eva Margrét Kristinsdóttir

Menningarnefnd

Katrín Pálsdóttir formaður
Sjöfn Þórðardóttir
Ásta Sigvaldadóttir
Ingunn Hafdís Þorláksdóttir
Sigurbóra Bergsdóttir

Skipulags- og umferðarnefnd

Bjarni Torfi Álfþórsson formaður
Anna Margrét Hauksdóttir
Ásgeir Guðmundur Bjarnason
Ragnhildur Ingólfssdóttir
Stefán Bergmann

Skólanefnd

Sigrún Edda Jónsdóttir formaður
Magnús Örn Guðmundsson
Karl Pétur Jónsson
Guðmundur Ari Sigurjónsson
Hildigunnur Gunnarsdóttir

Umhverfisnefnd

Margrét Pálsdóttir formaður
Guðmundur Jón Helgason
Elín Helga Guðmundsdóttir
Brynjúlfur Halldórsson
Margrét Lind Ólafsdóttir

Yfirkjörstjórn

Pétur Kjartansson
Árni Ármann Árnason
Gróa Kristjánsdóttir

Fulltrúar Seltjarnarnesbæjar í samstarfsnefndum/verkefnum

Almannavarnanefnd

Ásgerður Halldórsdóttir
Sigrún Edda Jónsdóttir

Reykjanesfólkvangur

Margrét Pálsdóttir
Stefán Bergmann

Stjórn skíðasvæða höfuðborgarsvæðisins

Magnús Örn Guðmundsson

Stjórn Sorpu

Bjarni Torfi Álfþórsson

Fulltrúarráð Brunabótafélags Íslands

Ásgerður Halldórsdóttir

Stjórn Strætó

Sigrún Edda Jónsdóttir

Fulltrúarráð Eirar

Jónína Þóra Einarsdóttir
Sigurþóra Bergsdóttir
Jóhanna Runólfsson

Stjórn Slökkviliðs höfuðborgarsvæðisins

Ásgerður Halldórsdóttir

Fulltrúaráð málræktarsjóðs

Soffía Karlsdóttir

Svæðisskipulag SSH

Bjarni Torfi Álfþórsson
Stefán Bergmann

Fulltrúaráð SSH

Bjarni Torfi Álfþórsson
Margrét Lind Ólafsdóttir

Veitustofnanir - stjórn

Ásgerður Halldórsdóttir
Lýður Þór Þorgeirsson
Guðmundur Jón Helgason
Axel Kristinsson
Magnús Rúnar Dalberg

Fulltrúaráð Sorpu

Sigrún Edda Jónsdóttir

Gjafasjóður Sigurgeirs Einarssonar

Ásgerður Halldórsdóttir
Jón Jónsson

Heilbrigðisnefnd Kjósarsvæðis

Hannes Tryggvi Hafstein
Magnús R. Dalberg

Landsþing Sambands íslenskra sveitarfélaga

Ásgerður Halldórsdóttir
Bjarni Torfi Álfþórsson
Margrét Lind Ólafsdóttir

Umhverfissvið

Aðsetur: Austurströnd 2 og í Áhaldahúsi Austurströnd 1

Sími: 5959 100

Veffang: www.seltjarnarnes.is

Vefpóstur: postur@seltjarnarnes.is

Sviðsstjóri umhverfissviðs, forstöðumaður veitna: Gísli Hermannsson

Skipulags- og byggingarfulltrúi: Þórður Ólafur Búason

Afgreiðslutími: Mánud. – fimmtud. frá kl. 8:45 – 16:00.

Föstudaga frá kl. 8:45-14:00

Fjöldi starfsfólks: 13

Fjöldi stöðugilda: 13

Umhverfissvið fer með umhverfis- og byggingarmál. Það hefur umsjón með öllum framkvæmdum á vegum bæjarins, byggingareftirliti, brunavörnum, viðhaldi á fasteignum bæjarins, gatna-, vatns- og fráveitukerfum, garðyrkju, vinnuskóla og umhverfismálum. Bygginga- og umhverfissvið fer einnig með málefni áhaldahúss, smábátahafnar og landsupplýsingakerfis.

Í afgreiðslu bæjarskrifstofu, Austurströnd 1 eru afgreiddar allar rafmagns-, bygginga- og verkfræðiteikningar húsa í bænum. Þar liggja umsóknareyðublöð vegna byggingaframkvæmda og uppáskrifta iðnmeistara og móttekin gögn til byggingarfulltrúa og skipulags- og mannvirkjanefndar.

Verkefni bæjarins á sviði byggingamála

Unnið var í viðgerðum á Skólabraut 3-5 þar sem Félagsstarf aldraðra er til húsa. Einnig var nokkuð um viðhald á félagslegu íbúðarhúsnæði. Í félagsheimilinu og ýmsum öðrum stofnunum var einnig unnið umtalsvert viðhald. Leikskólinn Sólbrekka var endurnýjaður að innan sem utan.

Skipulags- og byggingarfulltrúi

Hafin var á árinu 2014 vinna að endurskoðun aðalskipulags fyrir Seltjarnarnes sem væntanlega verður lokið 2015.

Breytt deiliskipulag Suðurstrandar og Hrólfsskálamels vegna Hrólfsskálamels 10-18 öðlaðist gildi á árinu. Einnig öðluðust gildi breytt deiliskipulag Bakkahverfis vegna Unnarbrautar 20 og Melabrautar 20 og breytt deiliskipulag Vesturhverfis vegna Melabrautar 33. Vinna við gerð deiliskipulags fyrir Vestursvæði að Lindarbraut, fyrir Kolbeinsstaðamýri og fyrir Strandir hélt áfram. Hafin var á árinu vinna við deiliskipulag Melshúsatúns, Bollagarða/Hofgarða hverfis og „Græna trefilsins“ frá suðurströndinni um Valhúsahæð yfir á norðurströndina ásamt breytingu á deiliskipulagi Bakkahverfis vegna Melabrautar 19 og öðlast þau öll væntanlega gildi á árinu 2015.

Miðbæjarsvæðið á Eiðistorgi, Austurströnd og Suðurströnd er þá eitt eftir af byggðinni á Seltjarnarnesi, þar sem deiliskipulagsvinna er ekki hafin.

Um áramótin 2013-14 voru samþykkt áform um byggingu fjölbýlishúss fyrir 25 íbúðir og framkvæmdir hafnar. Lokið var við við eitt einbýlishús og níu íbúðir í fjölbýli á Seltjarnarnesi árið 2014. Í smíðum eru ca 55 íbúðir í fjölbýlishúsum á Seltjarnarnesi.

Mikið hefur verið unnið af tölvuskráningu til undirbúning vinnu við gerð mæli- og lóðablaða yfir lóðir og landamerki innan sveitarfélagsins. Á það bæði við um lóðir í eigu bæjarins og einstaklinga. Enn vantar leiðrétt lóðamörk nokkurra lóða í landupplýsingakerfis bæjarins og samræmingu við þinglýstar heimildir. Leiðrétt hefur verið skráningu á stærðum einstakra fasteigna á Seltjarnarnesi en mikið verk er þar óunnið. Áfram hefur verið unnið að því að yfirfara og leiðrétt rafræna skráningu á uppdráttum í geymslu bæjarins. Í notkun er þjónustuvefur þar sem teikningar, þjónusta stofnana, lagnir veitustofnana og LUKS, landupplýsingakerfi Seltjarnarness birtist. Aðgangurinn nefnist Kortasjá og er að finna á heimasíðu bæjarins. Sífelld er verið að auka það sem þar birtist til að gera upplýsingar aðgengilegri um þjónustu bæjarins.

Samkvæmt nýrri skipulagsreglugerð og mun breytast nokkuð eðli nýrra skipulagsáætlana og er öll vinna við aðalskipulag hnitsett. Einnig verður vinna deiliskipulags framvegis með sama hætti.

Takmarkað framkvæmdaleyfi var á árinu 2014 veitt til haugsetningar efnis við Bygggarðatanga sem nýtist til viðhalds og endurnýjunar sjóvarna og eða hugsanlegrar landfyllingar ef þörf krefur vegna borunar vegna vatnsöflunar fyrir hitaveitu hjá Veitustofnun Seltjarnarnesbæjar. Efnisflutningar hafa verið stöðvaðir en efnið mun nýtast til styrkingar og endurnýjunar strandvarna í nánustu framtíð.

Áhaldahús

Starfsmenn áhaldahússins unnu að margvíslegum viðhalds- og þjónustuverkefnum á árinu, auk þess að sinna verkefnum sem bæjarstjóri, veitustjóri, garðyrkjustjóri eða aðrir forstöðumenn stofnana óskuðu eftir. Nokkuð var um nýframkvæmdir og viðhaldsvinnu við dreifikerfi veitustofnana, gatna-, gangstétta og göngustíga. Viðhald fasteigna, bæði húseigna og lóða þ.m.t. leiksvæða í eigu bæjarins voru stór þáttur í starfseminni. Snjómokstur og hálkueyðing var með minnsta móti, ef miðað er við seinustu ár.

Sumarstarfsemi áhaldahússins var með hefðbundnu sniði. Samtals komu um 80-100 sumarstarfsmenn á aldrinum 18 til 24 ára við sögu sem dreifðust á tvö tímabil. Fyrra tímabilið var frá 2. júní til 24. júlí og seinna tímabilið 30. júní til 21. ágúst. Flokkstjórar byrjuðu viku fyrr. Unnið var í sjö tíma á dag fjóra daga vikunnar, en ekki var unnið á föstudögum. Verkefni voru fjölbreytt, t.d. almennur sláttur opinna svæða, kerfill og njóli sleginn og málningarvinna var bæði úti og inni. Dæmi um útvinnu var umferðarmerki, götur, staurar. Leiksvæði í bænum voru hreinsuð og máluð. Öll niðurföll voru hreinsuð. Auk þess var unnið við ýmis viðhaldsverkefni.

Bæjarverkfræðingur

Bæjarverkfræðingur hefur umsjón með öllum framkvæmdum á vegum bæjarins sem snúa að gerð og viðhaldi á götum, gangstéttum, ljósastaurum, vatns- og fráveitukerfum. Einnig fer hann með málefni er snúa að hljóðvörnum, sorphreinsun, smábátahöfn, umhverfisöryggismál og sjóvarnargarða innan sveitarfélagsins. Á árinu 2013 var umtalsverð samvinna, með Samtökum sveitarfélaga á höfuðborgarsvæðinu (SSH) og Umhverfisstofnun, að ýmsum málefnum. Það má m.a. nefna málefni er varða sorphirðu á höfuðborgarsvæðinu,

vatnsvernd fyrir höfuðborgarsvæðið. Einnig var unnið að hönnun dælustöðvar við Elliða. Samstarf var við Samorku og aðra veitustjóra varðandi málið.

Viðhald gatnakerfis og gangstétta

Verktaki var ráðinn til að sópa allan bæinn sem og verktaki sem sá um að mála allar miðlínur á götur og endurnýja massa á götum. Þess utan var unnið að almennu viðhaldi á umferðarmerkjum og merkingu bílastæða. Skýrsla vegna umferðaröryggisáætlunar sem er höfð til viðmiðunar við forgangsröðun framkvæmda var kláruð og er byrjað að vinna eftir henni. Gangstéttar voru m.a. endurnýjaðar að hluta á Lindarbraut, Unnarbraut og Kirkjubraut. Ljósastaurar voru endurnýjaðir við Unnarbraut.

Framkvæmdir við smábátahöfn og sjóvarnargarða

Allar festingakeðjur á bryggju voru endurnýjaðar og bryggjan hreinsuð af þörungum.

Veitustofnun Seltjarnarness (hitaveita, fráveita og vatnsveita).

Skrifstofa hitaveitunnar er staðsett í áhaldahúsi bæjarins.

Helstu verkefni veitustofnana árið 2014.

Undanfarið ár var mikið unnið að viðhaldi og viðgerðum í dreifikerfi hita- og fráveitu. Starfsmenn áhaldahúss sinntu reglubundnu viðhaldi sem og að leggja stofnlagnir. Lagðar voru nýjar heimæðar m.a. á Skerjabraut 1 og 3. Mikið átak var gert í lekum á lögnum. Þetta leiddi til sparnaðar á köldu vatni um 9% á milli ára. Í hitaveitulögnum var rýrnunin á vatni töluverð eða um 290 þ á árinu 2013, en á 150 þ.tonn á árinu 2014. Þetta er nokkuð góður árangur og verður verkefninu haldið áfram á næsta ári.

Boraðar voru tvær rannsóknarborholur hola 13 og 14 og þær hitastigsmældar. Niðurstöður voru mjög góðar og gefa vísbendingu um að fleiri möguleikar séu á staðsetningu nýrrar vinnsluborholu, ef talin verður að þörf sé á slíku.

Unnið var að samningi við fyrirtækið Vatnaskil um endurnýjun á forðafræðilíkani fyrir hitaveituna og gengið frá honum um áramótin. Nýtt líkan verður notað til ákvarðanatöku um m.a gerð nýrra borhola.

Heilbrigðiseftirlit Kjósarsvæðis

Þverholti 2, 5. hæð, 270 Mosfellsbær

Sími: 525 6795 Bréfsími: 525 6799

Veffang: www.eftirlit.is

Framkvæmdastjóri: Þorsteinn Narfason.

Um heilbrigðiseftirlitið

Heilbrigðiseftirlits Kjósarsvæðis (HEK) er rekið sameiginlega af Kjósarhreppi, Mosfellsbæ og Seltjarnarnesi. Hlutverk heilbrigðiseftirlits er að sjá um að ákvæðum laga nr. 7/1998, um hollustuhætti og mengunarvarnir, sé framfylgt. Einnig ákvæðum reglugerða, heilbrigðissamþykktu og ákvæðum í sérstökum lögum og reglum sem heilbrigðisnefndum er, eða kann að vera falið að annast framkvæmd á.

Neysluvatn

Gæði vatns á Seltjarnarnesi er almennt góð en vatnið kemur úr dreifikerfi eða vatnsbóli Reykjavíkur. Undanfarin ár hafa gæði frá aðkeyptu neysluvatni frá Orkuveitu Reykjavíkur haldist stöðug og öll sýni verið innan viðmiðunarmarka. Heilbrigðiseftirlitið fylgdist reglulega með neysluvatni á árinu, samkvæmt reglugerð um neysluvatn, en eftirlitið felur í sér sýnatökur, úttekt á innra eftirliti og mannvirkjum. Fyrir utan viðgerðir á lekum í dreifikerfinu voru á árinu m.a. einn brunahani endurnýjaður. Jafnframt stóð yfir vinna með SSH og tæknimönnum sveitarfélaga á höfuðborgarsvæðinu að vatnsvernd fyrir höfuðborgarsvæðið.

Fráveita

Á Seltjarnarnesi er um 90% alls skólps dælt í hreinsistöðina við Ánanaust, annað fer óhreinsað í sjóinn við Lambastaði. Reglubundið viðhald var á dælustöðvum fráveitukerfisins. Unnið var að gerð nýrrar dælustöðvar sem fyrirhugað er að byggja á landi bæjarins, Elliða, við Tjarnarstíg. Reglubundin vöktun á strandlengjunni á Seltjarnarnesi hefur farið fram í mörg ár. Fjórir sýnatökustaðir eru vaktaðir á ári hverju og sýni tekin til að kanna saurkólímengun.

Staðardagskrá 21

Í stýrihópi fyrir Staðardagskrá 21 situr einn fulltrúi frá hverri stofnun Seltjarnarnesbæjar. Allar stofnanir bæjarins flokka sorp og nokkrar hafa einnig flokkað lífrænan úrgang úr eldhúsum, sem síðan er settur í jarðgerð bæjarins. Jarðgerð var haldið áfram á árinu, en allt lífrænt sem til fellur frá opnum svæðum bæjarins er jarðgert og endurnýtt. Það efni sem úr jarðgerð kemur er nefnt molta. Moltu var dreift á flest beð bæjarins og stofnanalóðir. Góður árangur af þeirri framkvæmd var mjög sýnilegur.

Sorphirða

Á árinu 2013 hófst dreifing á blátunnum innan bæjarins. Þessu verkefni er nú lokið og fá allir íbúar Seltjarnarnesbæjar bláar tunnur sem þess óska. Almenn ánægja er með þessa framkvæmd.

Vinnuskólinn

Umsóknir í vinnuskólann voru um 250, úr aldurshópnum 14 - 17 ára. Elsti árgangur vinnuskólans hefur lokið fyrsta ári í framhaldsskóla. Flokkstjórar voru 12 alls, þar af eru tveir yfirflokkstjórar. Tveir eldri árgangarnir voru í vinnu 7 tíma á dag en tveir yngri voru í 3,5 tíma á dag. Unnið er fjóra daga vikunnar. Vinnuskólinn var starfræktur í júní og júlí. Meginuppistaða í verkefnum vinnuskólans voru sláttur, almenn garðyrkjustörf, gróðursetning, hreinsun beða, götuhreinsun, málningarvinna og almenn fegrun á umhverfinu. Gott félagslíf er í vinnuskólanum.

Félagsþjónustusvið

Aðsetur: Mýrarhúsaskóli eldri við Nesveg

Sími: 5959 100

Bréfsími: 5959 101

Veffang: www.seltjarnarnes.is

Afgreiðslutími: Mánud. – fimmtud. frá kl. 8:15 – 16:00

Föstudaga frá kl. 8:15 - 14:00

Félagsmálastjóri: Snorri Aðalsteinsson

Fjöldi starfsmanna: 31

Fjöldi stöðugilda: 17,6

Félagsþjónustan er til húsa í Mýrarhúsaskóla eldri við Nesveg. Þar starfa, auk félagsmálastjóra, 2 félagsráðgjafar í 2 starfsgildum og deildarstjóri í öldrunarþjónustu í fullu starfi. Veitt er félagsleg ráðgjöf, tekið við umsóknum um félagslega þjónustu, unnið úr þeim og lagt mat á þjónustubörf. Félagsráðgjafar á skrifstofu félagsþjónustu starfa einnig að barnavernd en barnaverndin er eitt af verkefnum félagsþjónustunnar.

Félagsleg ráðgjöf og fjárhagsaðstoð

Svipaður fjöldi leitaði félagslegrar aðstoðar og ráðgjafar og árið áður. 49 aðilar fengu fjárhagsaðstoð en voru 56 á árinu 2013. Algengast er að fólk leiti eftir aðstoð og ráðgjöf í kjölfar minnkandi vinnu, vegna langvarandi veikinda eða vegna atvinnuleysis en einnig vegna tekjusamdráttar og erfiðleika við að láta enda ná saman. Í upphafi ársins sóttu nokkrir einstaklingar um fjárhagsaðstoð sem féllu út af atvinnuleysisbótum en flestir þessara einstaklinga höfðu fengið aðra úrlausn sinna mála í árslok sem fólst í að sumir komust í vinnu en aðrir fóru á örorkulífeyri. Vinna félagsráðgjafa felst m.a. í ráðgjöf, stuðningi og leiðbeiningum auk þess að leggja mat á umsóknir um félagslega aðstoð og að beina fólki eftir atvikum í endurhæfingarúræði. Útgjöld vegna fjárhagsaðstoðar lækkuðu um 3 milljónir frá fyrra ári. Algengast er að fólk fái tímabundið fjárhagsaðstoð og var meðaltímalengd aðstoðar 3,6 mánuðir. Aðeins tveir fengu aðstoð alla mánuði ársins.

Húsaleigubætur

Jafnmargir fengu greiddar húsaleigubætur og árið 2012 og útgjöld vegna þeirra voru svipuð milli ára. Leiga á íbúðum á almennum leigumarkaði hélt áfram að hækka en frítekjumörk húsaleigubóta voru óbreytt frá fyrra ári. Húsaleigubætur eru tekju- og eignatengdar. Fjölskyldustærð hefur einnig áhrif á upphæð bótanna.

Sérstakar húsaleigubætur

Greiddar eru sérstakar húsaleigubætur til mjög tekjulágra einstaklinga í félagslegum erfiðleikum. Þær eru viðbót við almennar húsaleigubætur. Alls fengu 13 fjölskyldur greiddar sérstakar húsaleigubætur á árinu.

Atvinnuleysi

Það dró úr atvinnuleysi frá árinu áður, en að meðaltali voru um 54 atvinnulausir skv. skrá Vinnuálastofnunar. Atvinnuleysi var sama í upphafi og lok ársins. Fjöldi atvinnulausra hefur verið hlutfallslega lægri á Seltjarnarnesi en í öðrum bæjarfélögum á höfuðborgarsvæðinu.

Barnavernd

Nokkru fleiri barnaverndarmál voru til meðferðar en árið áður. Ekkert barn var í fóstri á árinu en stuðningsfjölskyldur tóku að sér börn í tímabundnar dvalir. Þegar tilkynningar bárust til barnaverndar var í flestum tilvikum ákveðið að hefja könnun, eða þá að mál var þegar í könnun eða í opinni vinnslu. Að könnun lokinni er staða hvers máls metin og ákvörðun tekin um hvort þörf sé á frekari aðgerðum af hálfu barnaverndar. Öll mál eru unnin samkvæmt barnaverndarlögum og framkvæmdaáætlun barnaverndar Seltjarnarness. Yfirfélagsráðgjafi félagsþjónustunnar er í stjórn fagdeildar félagsráðgjafa í barnavernd. Starfsmenn sóttu námskeið Barnaverndarstofu og Námskeið á vegum Félagsráðgjafafélags Íslands um barnavernd.

Forvarnir

Samráðshópur um áfengis- og vímuvarnir fundaði nokkrum sinnum á árinu. Það er mat hópsins að dregið hafi úr áfengis- og vímuefnanotkun unglinga undanfarin ár og er öflugu forvarnarstarfi hjá öllum þeim sem koma að uppeldi barna og unglinga þakkaður sá árangur. Framkvæmdastjóri Rannsóknar- og Greiningar kynnti helstu niðurstöður á rannsókn sem gerð var í febrúar 2014 um hagi og líðan ungs fólks á Seltjarnarnesi árið 2013. Seltjarnarnes kom vel út miðað við landsmeðaltal en rannsóknin er framkvæmd á landsvísu. Árangur af forvarnarstarfi er góður, en mikilvægt er að sofna ekki á verðinum og vera vakandi fyrir öllum vísbendingum úr umhverfi barna og unglinga.

Þjónusta við aldraða og félags- og tómstundastarf

Á Skólabraut 3 – 5 starfa 8 manns við þjónustu í þágu aldraðra. Þar fer fram félags- og tómstundastarf og mötuneyti er opið öllum sem sækja starfsemina. Dagvist fyrir aldraða er einnig starfrækt þar. Þeim hefur fjölgað talsvert sem nýta sér þjónustu mötuneytisins. Minni aðsókn var að dagvistinni en undanfarin ár og þarf að kanna hvað veldur því. Níu manns geta verið þar samtímis, sumir eru alla virka daga en aðrir 2 – 3 daga í viku. Í Eiðismýri 30 er einnig boðið upp á mat í hádeginu en það er fjölbýlishús fyrir aldraða með 26 íbúðum. Bærinn á sal á fyrstu hæð og er matur framreiddur þar. Starfsmaður félagsviðs sér um framreiðslu matar og frágang.

Mjög almenn og góð þátttaka var í fjölbreyttu félags- og tómstundastarfi eldri bæjarbúa á árinu 2014. Vetrarstarfinu 2013-2014 lauk með þriggja daga handverkssýningu síðustu helgina í maí, en sýningin opnaði á uppstigningardag sem einnig er dagur eldri borgara og mæltist það vel fyrir. Allir sem tóku þátt í hvers konar handverki með eldri borgurum síðastliðinn vetur komu að sýningunni og var fjölbreytni mikil í sýningargripum. Sumarferðin 2014 var farin vestur í Dali fimmtudaginn 26. júní. Langur dagur en góður, fullur af fróðleik og skemmtan. Einnig var lagt upp í nokkrar „óvissuferðir“ sem alltaf eru vinsælar og vel sóttar, farið í leikhús og haldin skemmti- og spilakvöld. Fastur liður alla morgna er „kaffisþjall í króknum“ og þar fer fjölgandi dag frá degi. Námskeið í bókbandi, gleri, glerbræðslu, leir og listasmiðju eru fastir liðir á dagskránni og alltaf vel sóttir. Alla daga er í boði einhvers konar hreyfing, svo sem sund, jóga, gönguferðir og botsía. Handavinna, félagsvist, bingó, bíó og lomber eiga fastan sess í dagskránni ásamt ýmsu öðru óvæntu sem upp kemur. Reglulega koma gestir sem bjóða upp á ýmis konar skemmtun, eins og tónlist, lestur, fróðleik o.fl. Gott samstarf er við margar af stofnunum bæjarins, má þar nefna tónlistarskólann, Selið,

félagsmiðstöð unglinga, og Skelina ungmennahús, Seltjarnarneskirkju, bókasafnið, golfklúbbinn og íþróttamiðstöðina. Einnig er gott samstarf við barnakór Mýrarhúsaskóla í gegnum stjórnandann sem stýrir báðum kórnum og leiðir þá saman í verkefnum þegar svo ber undir. Eldri borgarar koma saman alla föstudaga og syngja. Karlahóparnir hafa eflst og fest sig í sessi. Þeir hittast og spila billjard í Selinu og kirkjunni, elda saman úti í Gróttu, hittast í karlakaffi í kirkjunni og koma saman og vinna úr tré í Valhúsaskóla.

Síðastliðin ár hefur félags- og tómstundastarf eldri bæjarbúa verið í gangi allt árið þó aðeins dragi úr starfinu yfir hásumarið. Bæjarvinnan/unglingarnir í samráði við forstöðumann félagsstarfsins, Selið og ungmennaráð hafa séð um að halda úti dagskrá yfir sumartímum með aðeins breyttum áherslum m.v. vetrardagskrá. Boðið er upp á tölvunámskeið, gönguferðir, spil, leiki og ýmislegt fleira. Þetta samstarf sem skapast hefur, hefur mælt mjög vel fyrir og er virkilega metið af þeim sem þess njóta.

Stöðugt þarf að fylgjast með og vera vakandi yfir því að starfið sé sýnilegt, áhugavert og fjölbreytt og dagskráin þess eðlis að það sé eftirsóknarvert að vera þátttakandi. Tvisvar á ári er dagskráin borin út til allra eldri borgara, dagskráin er auglýst daglega í Morgunblaðinu, Nes-fréttir birtir pistil frá félagsstarfinu í hverjum mánuði og tilkynningar um starfið eru hengdar upp á Skólabraut og Eiðismýri eftir því sem við á. Á árinu var stofnuð síða á Facebook / eldri borgarar á Seltjarnarnesi þar sem birtast ýmsar upplýsingar, myndir o.fl. og hefur félagsstarfið nýtt sér að setja inn tilkynningar og þeir eldri borgarar sem á annað borð eiga eða hafa aðgang að tölvum kíkja þar inn og fylgjast með, einnig er allar upplýsingar að finna á heimasíðu bæjarins.

Almenn þátttaka í félagsstarfi og tómstundum eldri borgara eykur lífsgæði þeirra og færni og á að byggjast á gagnkvæmri virðingu. Allir vita að eldri borgurum á eftir að fjölga ört á komandi árum. Eldri borgarar eru almennt ekki hávær eða kröfuharður hópur, en það verður að segjast eins og er að húsnæðisaðstaða félags- og tómstundastarfsins hér á Nesinu er farin að þrengja að og er óhentug á ýmsa vegu. Huga þarf að úrbótum, skoða og gera þarfagreiningu á aðstöðunni og vinna hana með notendum til hagsbóta fyrir alla.

Heimaþjónusta

Starfsmenn heimaþjónustu sinna því mikilvæga verkefni að styðja aldraða og aðra við ýmsa þætti heimilishalds og gera þeim unnt að búa sem lengst heima. Þessi þjónusta hefur verið að eflast og er aukin áhersla lögð á umönnunar- og félagslega þáttinn. Aldraðir hafa undanfarið verið útskrifaðir veikari heim en áður vegna mikils álags sem ríkir á sjúkrahúsum. Það hefur kallað á breyttar áherslur í heimaþjónustu, kvöld – og helgarþjónustu og aukna þjónustu í formi lengri viðveru og tíðari heimsóknna á heimili notenda. Í kvöld- og helgarþjónustunni er vinnutími sveigjanlegur til að mæta betur þörfum notenda hverju sinni. Aukin samvinna er við heimahjúkrun. Auk þess fær fólk aðstoð við hefðbundin þrif og hefur verktaki annast þjónustu á um 20 heimilum þar sem eingöngu er óskað eftir heimilisþrifum. Veitt var kvöld- og helgarþjónusta til þeirra sem þurfa aðstoð við lyfjagjöf, mat, viðveru á matartímum og aðstoð við að háttu. Hefur heimaþjónustan á að skipa fjölhæfum starfsmönnum sem sumir hafa orðið margra ára dýrmæta reynslu í starfi. Langflestir eldri

bæjarbúar kjósa að búa heima sem lengst en til þess að það gangi upp þurfa margir aukna þjónustu á efri árum. Starfsmenn heimaþjónustu sóttu námskeið í skyndihjálp á árinu.

Hjúkrunarheimili

Unnið var að undirbúningsvinnu varðandi byggingu hjúkrunarheimilis. Seltjarnarnesbær og eigendur dvalar- og hjúkrunarheimilisins Grundar hafa undirritað viljayfirlýsingu um samstarf við rekstur heimilisins. Hjúkrunarheimilið verður byggt milli Sefgarða og Nesstofu og hefur verið unnið að hönnun þess á árinu og styttest í útboð vegna byggingarframkvæmda.

Málefni fatlaðra

Reykjavíkurborg og Seltjarnarnesbær mynda sameiginlegt þjónustusvæði fyrir fatlaða. Á hverju þjónustusvæði verða að búa að lágmarki 8000 manns og vinna sveitarfélög því mjög víða saman að þjónustu við fatlaða. Seltjarnarnesbær fer með nokkra þætti þjónustunnar. Þessir þættir eru móttaka og úrvinnsla umsókna um þjónustu og ráðgjöf, félagsleg liðveisla, frekari liðveisla skv. samningi og umsjón með stuðningsfjölskyldum. Þá annast starfsmenn móttöku umsókna um ferðaþjónustu fyrir fatlað fólk og úthlutun ferða Ráðgjöf og umsýsla við þjónustu við fatlað fólk hefur haft í för með sér aukið álag á starfsmenn félagsþjónustunnar. Þjónusturáð sameiginlegs þjónustusvæðis Reykjavíkur og Seltjarnarnesbæjar um þjónustu við fatlað fólk fundaði 7 sinnum á árinu. Félagsmálastjóri og yfirfélagsráðgjafi Seltjarnarnesbæjar eiga sæti í ráðinu ásamt 2 fulltrúum frá Vesturgarði, þjónustumiðstöð vesturbæjar. Á árinu var unnið að endurskipulagningu ferðaþjónustu fyrir fatlað fólk og undirrituðu sveitarfélögin á höfuðborgarsvæðinu samkomulag um að standa sameiginlega að henni og fela Strætó b.s. sameiginlegt útboð á akstri vegna þjónustunnar en dagleg umsjón með akstri er í höndum Strætó. Í framhaldi af þessum breytingum var sagt upp samningi við verktaka sem annast hafði aksturinn í 15 ár.

Jafnréttismál

Jafnréttisnefnd veitti jafnréttisviðurkenningu bæjarins 8. maí 2014 í bókasafni Seltjarnarness en hún er veitt einu sinni á hverju kjörtímabili til þeirrar stofnunar eða fyrirtækis í bæjarfélaginu sem mest hefur unnið að framgangi jafnréttisáætlunar og/eða sýnt jafnréttismálum sérstakan alhug í verki. Bókasafn Seltjarnarness, Grunnskóli Seltjarnarness og Tónlistarskóli Seltjarnarness hlutu viðurkenningar að þessu sinni. Forsendur viðkenningarinnar voru að Bókasafn Seltjarnarness hefur staðið fyrir sérstakri vitundarvakningu meðal unglingsdregja til að hvetja þá til og stuðla að lestri bóka. Í því skyni hefur bókasafnið fengið rithöfund til að ræða vítt og breytt um mátt og megin bókarinnar með því að bjóða þeim í heimsókn á Bókasafn Seltjarnarness. Á bókasafninu hafa einnig verið kynntar bækur sem fallið geta að bókmenntaáhuga ungra manna. Vitundarvakningin fór fram s.l. vetur.

Grunnskóli Seltjarnarness hefur unnið Jafnréttis- og mannréttindastefnu fyrir skólann sem tekur annars vegar til nemenda og hins vegar til starfsfólks. Jafnréttis- og mannréttindastefnan byggir m.a. á jafnréttisáætlun Seltjarnarnesbæjar. Með stefnunni uppfyllir skólinn 18. grein jafnréttislaga um að fyrirtæki og stofnanir þar sem starfa fleiri en 25 starfsmenn skulu setja sér jafnréttisáætlun eða samþætta jafnréttissjónarmið í starfsmannastefnu sína.

Tónlistarskóla Seltjarnarness hefur tekist að laða konur jafnt sem karla til starfa og stúlkur jafnt sem drengi til náms. Við skólann starfa 14 karlar í rúmlega 8 stöðugildum og 9 konur í tæplega 6 stöðugildum. 113 stúlkur og 101 drengur stunda nú nám við skólann. Skólanum hefur þannig tekist að skapa blandaðan vinnustað og námsumhverfi þar sem færni og hæfileikar beggja kynja fá notið sín.

Lykiltölur

Félagsþjónustusvið Seltjarnarness:	2011	2012	2013	2014
Fjöldi íbúa sem fengu fjárhagsaðstoð	60	47	56	49
Fjöldi fjölskyldna sem fengu húsaleigubætur	109	114	121	121
Fjöldi fjölsk. sem unnið var með skv. barnav.lögum.	24	24	19	23
Fjöldi barna sem unnið var með skv. barnav.lögum	34	36	29	28
Fjöldi barnaverndartilkyninga	48	42	38	42
Meðaltalsfjöldi atvinnulausra yfir árið	107	78	70	54
Fjöldi heimila sem nutu heimaþjónustu	123	125	123	114
- þar af heimili aldraðra	101	99	107	99
- þar af heimili öryrkja	19	19	12	12
- þar af önnur heimili	3	7	4	3
Fjöldi einstaklinga sem nýttu sér ferðaþjónustu	62	73	77	72
-þar af fatlaðir	22	22	21	17
-þar af aldraðir	40	51	56	55
Heildarfjöldi ferða ferðaþj. aldraðir og fatlaðir	12.459	13.403	12.679	10.387
Fjöldi aldraðra í dagvist	15	20	14	22
Fjöldi dvalardaga í dagvist	2.201	2.212	2.046	1.812
Meðaldvalarlengd í mán. í dagvist yfir árið	8,8	6,9	8	5,7
Fjöldi einstaklinga sem fengu liðveislu	21	15	14	17
- þar af fjöldi barna sem fengu liðveislu	13	9	6	10
- þar af fjöldi fullorðinna sem fengu liðveislu	8	6	8	7
Fjöldi starfsfólks sem sinnti liðveislu	20	24	22	24
Fjöldi afgreiddra máltíða í mötuneytum fyrir aldraða á Skólabraut og í Eiðismýri	4.518	6.152	10.105	9.932
Fjöldi heimsendra máltíða til aldraðra/öryrkja	2.518	3.354	3.194	4.070

Fjárhags- og stjórnsýslusvið

Aðsetur: Austurströnd 2

Sími 5959 100 Bréfsími 5959101

Veffang: www.seltjarnarnes.is

Vefpóstur: postur@seltjarnarnes.is

Afgreiðslutími: Mánud. – fimmtud. frá kl. 8:00 – 16:00.

Föstudaga frá kl. 8:00 – 14:00

Fjármálastjóri: Gunnar Lúðvíksson

Fjöldi starfsfólks: 10

Fjöldi stöðugilda: 9,3

Fjárhags- og stjórnsýslusvið er stoðsvið sem vinnur þvert á önnur svið stjórnsýslunnar. Fjárhags- og stjórnsýslusvið hefur yfirumsjón með stjórnsýslu sveitarfélagsins, rekstri, fjármálum og starfsmannahaldi. Sviðið sér einnig um upplýsingagjöf til bæjarbúa, starfsmanna og viðskiptavina. Helstu viðskiptavinirnir eru íbúar Seltjarnarness, fyrirtæki og einstaklingar í viðskiptum við bæinn ásamt stofnunum og starfsmönnum bæjarins.

Helstu lög og reglur sem móta starfsemi sviðsins og skapa því umgjörð eru lög um sveitarfélög nr. 138/2011, stjórnsýslulög nr. 37/1993, upplýsingalög nr. 50/1996 og samþykktir og reglur Seltjarnarnesbæjar. (www.seltjarnarnes.is/stjornsysla/samthykkir).

Stjórnskipulag og starfsmannahald

Dagleg stjórn fjárhags- og stjórnsýslusviðs er í höndum fjármálastjóra. Sviðið skiptist í eftirfarandi megin starfseiningar; áætlunargerð og stjórnsýslu, starfsmanna- og launamál, bókhald og reikningsskil, álagning og innheimta tekna, greiðsla reikninga, þjónusta við viðskiptavinum og skjalastjórn.

Helstu verkefni 2014

Fjármálastjórn bæjarsjóðs og tengdra stofnana auk eftirlits með tekjum og útgjöldum bæjarsjóðs, umsjón með lána- og sjóðastýringu. Leitað var leiða til að bæta verklag og auka hagræði í rekstri.

Yfirumsjón og stjórn vinnu við fjárhagsáætlun og eftirfylgni, frávikagreining frá fjárhagsáætlun og kostnaðargreining.

Veita nefndum ráðgjöf, greiningu og upplýsingar varðandi það sem snýr að fjárhagslegum þáttum þeirra mála sem eru til meðferðar.

Veita ráðgjöf og þjónustu til stofnana bæjarins varðandi það sem snýr að fjármálum og rekstri, m.a. að samræma og leita leiða til að hagræða í innkaupum.

Yfirumsjón með fjárreiðum, greiðslu reikninga og innheimtu, álagningastofni fasteignagjalda og álagningu þeirra.

Ut anumhald íbúaskrár og spár um íbúa- og hagþróun í bænum.

Fjármál

Rekstrartekjur bæjarfélagsins á árinu 2014 námu 3.410 m.kr. en fjárhagsáætlun gerði ráð fyrir 2.948 m.kr. Þar af voru skatttekjur 2.505 m.kr. Meginhluti skatttekna eru útsvarstekjur

sem námu 2.166 m.kr. Fasteignaskattar námu 176 m.kr. Seltjarnarnes er með næst lægsta álagningarhlutfall útsvar sveitarfélaga á höfuðborgarsvæðinu eða 13,66%, en heimilt var að leggja á útsvar allt að 14,48% árið 2014.

Fjárhagsáætlun

Fjárhagsáætlun ársins 2014 var samþykkt af bæjarstjórn í nóvember 2013. Gerðir voru 5 viðaukar við fjárhagsáætlunina á árinu 2014.

Lykiltölur

Fjárhags- og stjórnsýslusvið	2010	2011	2012	2013	2014
Íbúafjöldi	4.403	4.406	4.327	4.376	4.415
Útsvarsprósenta	12,10%	14,18%	14,18%	13,66%	13,66%
Fasteignaskattur					
Íbúðarhúsnæði	0,18%	0,18%	0,21%	0,21%	0,20%
Opinbert húsnæði	1,32%	1,32%	1,32%	1,32%	1,32%
Atvinnuhúsnæði	1,12%	1,12%	1,25%	1,25%	1,25%
Skatttekjur í þús. kr.	430	474	508	546	568
Aðrar tekjur í þús. kr	127	135	153	155	205
Laun og launatengd gjöld	330	338	335	354	388
Annar rekstrarkostnaður	210	213	236	244	265

Íþrótt- og tómstundasvið

Aðsetur: Íþróttamiðstöð Seltjarnarness

Sundlaug sími: 561 1551

Íþróttahús sími: 561 2266

Suðurstrandavöllur sími: 571 0160

Selið: sími 5959-177

Veffang: www.seltjarnarnes.is og www.solid.is

Íþrótt- og tómstundafulltrúi: Haukur Geirmundsson

Fjöldi starfsmanna: 34

Fjöldi stöðugilda: 21

Hlutverk íþrótt- og tómstundasviðs er að stuðla að heilbrigði almennings, skipuleggja uppbyggilegt og skemmtilegt tómstundastarf, eiga gott samstarf við íþrótt- og æskulýðsfélög og gæta þess að engum sé mismunað vegna kyns, þjóðernis eða fötlunar. Seltjarnarnesbær gegnir lykilhutverki í frítímaþjónustu bæjarbúa ásamt aðildarfélögum. Saman hafa þessir aðilar staðið fyrir og hlúð að hvers konar starfsemi sem stuðlar að því að íbúar geti lagt stund á uppbyggilegt tómstundastarf utan vinnutíma. Frítímaþjónustan er ekki

lögbundin, heldur almenningsþjónusta sem fólk sækir af eigin hvötum. Virk þátttaka í uppbyggilegu frístundastarfi hefur jákvæð áhrif á alla aldurshópa og fjölskyldulíf. Aukinn stuðningur við íþróttafélögin skilar sér í auknum iðkendafjölda og öflugra starfi. Með tómstundastyrkjum er lögð áhersla á að öll börn og unglingar hafi sömu möguleika á tómstundastarfi við hæfi. Með uppbyggingu glæsilegra íþróttamannvirkja er sköpuð aðstaða í öruggu umhverfi. Með kosningu á íþróttamanni og konu Seltjarnarness sýnir bæjarfélagið stuðning við íþróttafólk sem skarar fram úr. Fjöldi starfsmanna og sjálfboðaliða leggja fram mörg þúsund vinnustundir til þess að ná fram faglegum markmiðum og veita eins góða þjónustu og völ er á. Sú vinna skilar sér í fjölbreyttu æskulýðs- og íþróttastarfi fyrir alla aldurshópa með það að markmiði að auka lífsgæði, vellíðan og ánægju bæjarbúa.

Með öflugum íþrótt- og tómstundastarfi er lagður grunnur að ákveðnum farvegi fyrir upprennandi kynslóðir. Líðan barna og unglinga skiptir afar miklu máli og að þau eigi griðastað í öflugum tómstundastarfi og félagslegt öryggi. Fritíminn hefur ýmis gildi fyrir einstaklinginn og má þar nefna afþreyingu og forvarnargildi en eins má segja að um ákveðið menntunargildi sé einnig að ræða þar sem þau öðlast ákveðna reynslu í tómstundastarfinu sem þau munu svo nýta sér í framtíðinni.

Íþróttamiðstöð

Gildi starfsstöðva íþróttamiðstöðvar samanstendur af þremur meginþáttum: öryggi, hreinlæti og þjónustu. Starfsmenn fara einu sinni til tvisvar á ári í endurmenntun skyndihjálpar og leitast er við að bæta við sérhæfðum námskeiðum þar fyrir utan. Einnig þreyta þeir árlegt sundpróf og öðlast um leið réttindi til þess að sinna öryggisgæslu í sundlaug.

Aðstaða til íþróttaiðkunar, hvort sem er fyrir börn og unglinga, almenning eða keppnisfólk er hin ákjósanlegasta.

Sundlaug

Sundlaugin og World Class mynda eina glæsilegustu heilsuræktaraðstöðu á landinu þar sem almenningi gefst tækifæri á að stunda líkamsrækt við bestu aðstæður sem völ er á. Mikil ánægja er með þessa aðstöðu. Trimmklúbbur er starfræktur í tengslum við sundlaugina og sundleikfimi er kennd fjórum sinnum í viku endurgjaldslaust. Sú nýbreytni var tekin upp tvisvar í viku að vera með svokallað sundflot. Sundlaugin er heilsuparadís þar sem almenningur hefur tækifæri á að rækta líkama og sál og njóta félagsskapar við aðra bæjarbúa. Miklar endurbætur hafa farið fram á sundlauginni á undanförunum árum. Mikið er lagt upp úr reglulegu viðhaldi, því búnaður sundlaugar er margbreytilegur og viðkvæmur og mikilvægt að hann sé í lagi svo öryggiskröfum sé fylgt í hvívetna. Á árinu 2014 voru engar stórar viðhaldsaðgerðir.

Íþróttahús

Íþróttahúsið er nánast fullnýtt frá morgni til kvölds alla daga vikunnar. Þar fer fram íþróttastarf skólanna og öflugt starf Gróttu fyrir utan leigu til almennings. Starfsemi íþróttahússins hefur verið að aukast með hverju árinu og má heita félagsmiðstöð allra aldurshópa og þar leggur starfsfólk sig í fram við að öllum líði vel og að allir finni þar gott athvarf.

Dvalartími barna og unglunga er langur í íþróttahúsinu og því mikið öryggi fyrir foreldra að vita af þeim í vernduðu umhverfi, þar sem þau geta beðið eftir æfingum í góðu yfirlæti. Á árinu var nýtt og glæsilegt fimleikagólf tekið í notkun og einnig voru keypt ný borð og stólar í hátíðarsal Gróttu.

Knattspyrnuvöllur

Suðurstrandavöllur hýsir glæsilega knattspyrnuaðstöðu með gervigrasvelli, stúku, fjórum búningsklefum ásamt félags- og skrifstofuaðstöðu. Mikil ánægja er með knattspyrnuaðstöðuna sem iðkendur geta nýtt sér nánast allt árið. Svæðið er fallett og til mikillar þrýði fyrir sveitarfélagið. Til knattspyrnuaðstöðunnar teljast einnig grasvöllurinn á Valhúshæð sem nýbúið er að endurbæta með nýju yfirborði og og sparkvellir sem staðsettir eru við Lindarbraut og Mýrarhúsaskóla.

Lykiltölur

Íþróttta og tómstundaráð Seltjarnarness:	2011	2012	2013	2014
Sundlaug				
Heildarfjöldi sundlaugagesta	178.218	188.096	178.242	165.313
Fjöldi fullorðinna	58.224	63.639	61.378	56.183
Fjöldi aldraðra	8.932	10.017	9.998	9.355
Fjöldi barna 6- 18 ára aldurs	18.532	21.163	21.109	18.353
Öryrkjar	1.835	1.836	1.676	1.514
Gróttta	314	577	285	195
Skólar	13.500	11.700	11.700	13.500
Önnur aðsókn	1.200	2.041	1.376	1.874
Korthafar World Class - teljari-skanni	75.661	77.123	70.720	64.339
Íþróttahús				
Fjöldi almennra leigjenda	8.300	8.000	8.000	8.000
Fjöldi skólabarna	42.000	42.800	43.400	43.800
Fjöldi iðkenda handknd. Gróttu	59.500	59.400	59.400	59.400
Fjöldi iðkenda knattspd. Gróttu	12.350	12.100	12.000	12.000
Fjöldi iðkenda fimleikad. Gróttu	39.100	39.200	39.200	39.200
Aðrir hópar innan Gróttu	1.500	1.500	1.600	1.600

Félagsmiðstöðin Selið

v/Suðurströnd.

Veffang: www.selid.is

Vefpóstur: selid@seltjarnarnes.is /margrets@seltjarnarnes.is

Sími: 5959 177 /5959 178

Æskulýðsfulltrúi og forstöðumaður: Margrét Sigurðardóttir

Fjöldi starfsfólks: 6

Fjöldi stöðugilda: 3,25

Helstu verkefni 2014

Aðalstarfsemi félagsmiðstöðvarinnar er yfir vetrartímam. Er þá megináherslan lögð á tólmundastarf unglunga s.s. böll, klúbbastarf, námskeið, fyrirlestra, forvarnarstarf, ferðalög og fleira. Selið er aðallega opið unglungum frá aldrinum 13-16 ára þ.e. 8., 9. og 10. bekk, en þó taka yngri börn líka þátt í starfinu að einhverju leyti. 7. bekkur hefur fastan tíma einu sinni í viku, en Selið hefur alfarið umsjón með félagslífi nemenda í Valhúsaskóla.

Grunnskólinn og Selið

Samvinna skólans og Selsins er mjög góð. Búið er að sameina skíðaferðalög Valhúsaskóla og Selsins. Þá fer starfsfólk frá báðum stofnunum í ferðalögin og sami háttur var hafður á með vorferð 10. bekkjar. Starfsmaður Selsins kennir valáfanga fyrir 9. og 10. bekk í félagsmálafræði við skólann. Eins hafa starfsmenn félagsmiðstöðvarinnar verið með eineltis – og samskiptafræðslu í samstarfi við skólann. Eins og undanfarin ár var samstarf milli foreldrafélags Valhúsaskóla og Selsins en þá var unnið að nokkrum samstarfsverkefnum og má þar helst nefna foreldrarölt og lokaball.

Önnur starfsemi Selsins

Ýmsir félagahópar á vegum Seltjarnarnesbæjar hafa fengið að nýta sér húsnæði Selsins til fundahalda eða skemmtana. Skátahópur frá Ægisbúum er vikulega í Ungmennahúsinu Skelinni. Hljómsveitaraðstaða er nú staðsett í viðbyggingu Mýrarhúsaskóla eftir að Ungmennahúsið var stofnað. Hefur hljómsveitaraðstaðan verið nýtt alla daga vikunnar og eru hljómsveitarmeðlimir á öllum aldri frá 13 ára til 30+. Bekkjarkvöld voru haldin í Selinu auk barnaafmæla. Eldri borgarar hafa nýtt sér aðstöðu Selsins til þess að koma saman og spila billiard og eins hafa hópar utan af landi fengið að gista í félagsmiðstöðinni.

Ungmennaráð Seltjarnarness

Ungmennaráð Seltjarnarness er á sínu sjötta starfsári. Ungmennaráðið fundar alltaf aðra hverja viku og oft í kringum verkefni og viðburði.

Ungmennaráðið hélt ýmsa viðburði fyrir sína jafnaldra s.s styrktartónleika, fræðslukvöld, jólakaffihús og margt fleira. Eins eru þau í góðu samstarfi við eldri borgara og héldu í fimmta sinn í sumar Nikkuball fyrir þennan aldurshóp einnig sjá þau um mánaðarlega viðburði fyrir eldri borgara í Selinu. Ungmennaráð Seltjarnarness fundaði með bæjarstjórn Seltjarnarness um málefni ungs fólks. Ungmennaráðið á nú áheyrnarfulltrúa sem sitja í nefndum og ráðum bæjarins.

Ungmennahúsið Skelin

Ungmennahúsið Skelin er staðsett í gömlu hljómsveitaraðstöðunni í Selinu. Þar fer fram starf fyrir 16 ára og eldri og er Ungmennaráðið með aðstöðu þar. Skelin er opin á miðvikudags og

fimmtudagskvöldum. Eins er ungmennum velkomið að vinna þar að ýmsum verkefnum fyrir utan formlegan opnunartíma.

Öskudagur

Öskudagsskemmtun er samvinnuverkefni íprótta-og tómstundaráðs, Selsins og foreldrafélags Grunnskóla Seltjarnarness. Framkvæmdaaðilar eru Grunnskóli Seltjarnarness, félagsmiðstöðin Selið og foreldrafélagið. Haldnar voru tvær skemmtanir í Mýrarhúsaskóla fyrir 1.-3.bekk og 4.-6. bekk sem heppnuðust mjög vel.

Sumarnámskeið

Selið sér um sumarnámskeið fyrir börn á aldrinum 6 - 12 ára. Námskeið sem börnunum stóð til boða voru leikja- og survivornámskeið. Einnig var starfræktur smíðavöllur í samstarfi við garðyrkjustjóra Seltjarnarness.

Selið og Vinnuskólinn

Hver vinnuflokkur fékk jafningjafræðslu frá fulltrúum úr Ungmennaráði Seltjarnarness og stundaði listsköpun tvo til fjóra daga í senn undir handleiðslu starfsmanns Selsins.

Tölvunámskeið og tómstundir eldri borgara

Nokkrir unglingar í Ungmennaráði Seltjarnarness sáu um kennslu og héldu utan um tölvunámskeið fyrir eldri borgara á Seltjarnarnesi ásamt því að sjá um ýmsa tómstundardagskrá með eldri borgurum yfir sumartímann

Lykiltölur

Félagsmiðstöðin Selið	2012	2013	2014
Heildarfjöldi heimsóknna í Selið	4.153*	9.887	9.897
Sumarnámskeið Selsins			
Fjöldi barna skráð á leikjanámskeiðum	160	183	170
Fjöldi barna skráð á Survivor-námskeið	78	81	79
Fjöldi barna skrá á Smíðavalla - námskeið	60	46	58
Heildarfjöldi á sumarnámskeiðum Selsins	298	310	307

*Haustönn

Fræðslusvið

Aðsetur: Skólaskrifstofa Seltjarnarness, Austurströnd 2

Sími: 5959 100 Bréfsími: 5959 101

Veffang: www.seltjarnarnes.is

Vefpóstur: postur@seltjarnarnes.is

Afgreiðslutími: Mánud. – fimmtud. frá kl. 8:00 – 16:00.

Föstudaga frá kl. 8:00-14:00.

Fræðslustjóri: Baldur Pálsson

Fjöldi starfsfólks: 183

Fjöldi stöðugilda: 151,5

Skólaskrifstofa fer með yfirumsjón starfsemi grunn-, leik- og tónlistarskóla, daggæslu í heimahúsum, auk þess að sinna forvarnarstarfi. Fræðslustjóri hefur umsjón með upplýsingagjöf fyrir skólanefnd, undirbúningi funda og ritun fundargerða, ásamt eftirfylgni við stefnumörkun og ákvarðanir nefndarinnar. Fræðslustjóri hefur yfirumsjón með fjárhagsáætlanagerð þeirra starfsstöðva sem tilheyra sviðinu í samráði við hlutaðeigandi stjórnendur. Skólaskrifstofa hefur auk þess umsjón með innritun barna til dagforeldra og í leik-, grunn- og tónlistarskóla, ásamt umsjón með skráningu nemenda bæði í grunn- og tónlistarskóla utan lögheimilissveitarfélags. Fræðslustjóri hefur yfirsýn yfir dagforeldra í bænum, veitir þeim ráðgjöf og starfsleyfi, auk þess að hafa eftirlit með því að starfsreglum sé framfylgt.

Stærsta verkefni skólaskrifstofu á hverjum tíma er að halda úti þeirri þjónustu sem hún sinnir ásamt eftirfylgni við fjárhagsáætlun Seltjarnarnesbæjar varðandi fræðslusvið. Meðal annarra verkefna skólaskrifstofu á árinu 2014 má nefna virka þátttöku í samstarfi sveitarfélaga á höfuðborgarsvæðinu um símenntun leik- og grunnskólakennara.

Daggæsla í heimahúsum

Við árslok 2014 voru starfandi fimm dagforeldrar á fjórum heimilum á Seltjarnarnesi. Hjá þeim dvelja að jafnaði 20-25 börn, þar af á rúmlega helmingur lögheimili á Seltjarnarnesi. Dagforeldrar eru sjálfstæðir atvinnurekendur og starfa samkvæmt starfsleyfi og dvalarsamningum sem gerðir eru við foreldra/forráðamenn barnanna. Skólaskrifstofa Seltjarnarness veitir starfsleyfi til dagforeldra og sinnir lögbundnu eftirliti samkvæmt reglugerð félagsmálaráðuneytisins nr. 907/2005.

Leikskóli Seltjarnarness

Suðurströnd 1, 3 og í kjallara Seltjarnarneskirkju

Símanúmer: 5959280 / 5959290 / 6942648

Veffang: <http://www.leikskoli.seltjarnarnes.is>

Vefpóstur: soffia@nesid.is / annaha@nesid.is

Leikskólastjóri: Soffía Guðmundsdóttir

Aðstoðarleikskólastjóri: Anna Harðardóttir

Fjöldi starfsmanna: 61

Fjöldi stöðugilda: 50,75

Leikskóli Seltjarnarness starfar samkvæmt lögum um leikskóla og reglugerðum þeim tengdum. Í skólanum eru 10 deildir í þremur starfsstöðvum, Mánabrekku og Sólbrekku við Suðurströnd og Holt í Seltjarnarneskirkju. Í skólanum er lögð áhersla á að börn fái tækifæri til að hjálpa sér sjálf eftir því sem þroski þeirra og geta leyfir og þau styrkt til sjálfshjálpar í öllum þáttum daglegs lífs. Leikurinn er hornsteinn leikskólastarfsins því samkvæmt hugmyndafræði leikskóla lærir barn mest og best í leik og samskiptum við börn og fullorðna í frjóu og skapandi umhverfi.

Starfsfólk hefur sameinast um gildin jákvæðni, virðing og fagmennska sem eru höfð að leiðarljósi í daglegu starfi skólans.

Helstu verkefni 2014

Tónlist

Öll börn skólans njóta kennslu tónmenntakennara sem er mikilvæg viðbót við annað tónlistarstarf sem fram fer í skólanum. Tónlistarkennslan er samstarfsverkefni leikskólans við Tónlistarskóla Seltjarnarness.

Umhverfismennt

Leikskólinn flaggar nú í sjötta sinn grænfanum sem er alþjóðleg viðurkenning fyrir starf að umhverfismennt og menntun til sjálfbærrar þróunar.

Virk umhverfisnefnd er starfandi við skólann sem ásamt eftirlitshópi elstu barnanna hefur það hlutverk að fylgjast með, viðhalda og benda á það sem betur má fara í umhverfismálum.

SMT – skólafærni

Áhersla er lögð á SMT – skólafærni, en verkefnið gengur út á að koma í veg fyrir og draga úr óæskilegri hegðun með því að kenna og þjálfra félagsfærni og gefa jákvæðri hegðun barna gaum með markvissum hætti. Í júní fékk skólinn viðurkenningu á því starfi og er nú sjálfstæður SMT – skóli.

Sumarskólinn

Er fyrir elstu börn leikskólans sem hefja grunnskólagöngu að hausti. Sumarskólinn er starfræktur í húsnæði grunnskólans. Þar er megin áhersla lögð á að börnin aðlagist húsnæði grunnskólans og mótuneyti, upplifunarferðir og útivist.

Íþróttaskóli Gróttu

Samstarfsverkefni leikskólans og Gróttu þar sem börnin fá kynningu og leiðsögn í þeim íþróttagreinum sem félagið býður upp á þ.e. handbolta, fótbolta og fimleikum.

Persónumöppur

Í möppurnar fara fyrirfram ákveðin verkefni og skráningar sem fylgja börnunum á milli deilda og eru unnar í samvinnu barna, foreldra og leikskólakennara.

Hreyfiland

Samstarfsverkefni við Hreyfiland sem er nú unnið annað árið í röð með yngri börnum skólans. Þar er lögð er áhersla á að efla styrk, þol og almenna hreyfigetu barna í gegnum leik.

Ytra mat Námsmatsstofnunar

Í matinu fólst að Námsmatsstofnun lagði mat á starfsemi leikskólans með hliðsjón af gildandi lögum, reglugerðum og aðalnámskrám. Var það gert m.a. með því að skoða fyrirbyggjandi gögn um starfsemi skólans, heimsóknum úttektaraðila og viðtölum við börn, starfsfólk og foreldra.

Vinátta

Próunarverkefni sem unnið er í samstarfi við Barnaheill. Verkefnið er forvarnarverkefni gegn einelti fyrir leikskóla og heitir á frummálinu Fri for mobberi og er þýtt, staðfært, framleitt og gefið út í samstarfi við Red barnet – Save the Children og Mary Fonden í Danmörku. Vinátta byggir á nýjustu rannsóknum á einelti og á ákveðinni hugmyndafræði og gildum sem skulu samofin öllu skólastarfi auk raunhæfra verkefna fyrir börn, starfsfólk og foreldra.

Önnur verkefni:

- Unnið að skólanámskrá fyrir Leikskóla Seltjarnarness.
- Leikskólinn er heimaskóli nema við menntavísindasvið HÍ sem felur í sér að sjá þeim fyrir æfingakennurum og vettvangstengingu meðan á námi stendur.
- Jafnréttisstefnan er höfð að leiðarljósi í daglegu starfi.
- Í samstarfi við nágrannasveitarfélögin í Kraganum er boðið upp á fjölbreytta fyrirlestra og námskeið fyrir alla sem starfa í leikskólanum.
- Starfsfólk tók þátt í vinnustaðgreiningu Seltjarnarnesbæjar.

Lykiltölur

Leikskóli Seltjarnarness	2011	2012	2013	2014
Fjöldi nemenda	179	179	195	190
Nemendur 0 – 2 ára	59	52	33	57
Nemendur 2 – 6 ára	120	127	162	133
Hlutfall leiksk.nem. af íbúum Seltj.ness	4,1%	4,1%	4,5%	4,3%
Meðaldvalartími nemenda á dag í LS	8,01	8,06	7,9	8,2
Heildarfjöldi stöðugilda við LS	43,15	44	49,93	50,75
Stöðugildi leikskólakennara á launum	16,00	15,58	16,03	17,49
Hlutfall leikskólakennara í fullu starfi	44 %	41%	38,8%	59%
Stöðug. starfsfólks með aðra fagmenntun	8,85	9,62	13,31	12,52
Fjöldi annars starfsfólks	18,30	18,8	20,59	20,74
Fjöldi stöðugilda í eldhúsi	3	3	3	3

Grunnskóli Seltjarnarness

v/ Nesveg og v/ Skólabraut

Sími: 5959 200/5959 250

Bréfsími: 5959 201/5959 251

Veffang: www.grunnskoli.is

Vefpóstur: grunnskoli@grunnskoli.is

Skólastjóri: Guðlaug Sturlaugsdóttir

Aðstoðarskólastjórar: Helga Kristín Gunnarsdóttir og Ólína Thoroddsen

Fjöldi starfsmanna: 97

Fjöldi stöðugilda: 86,5

Fjöldi nemenda: 504

Grunnskóli Seltjarnarness starfar skv. lögum um grunnskóla og reglugerðum þeim tengdum. Hann heyrir undir Fræðslusvið Seltjarnarnesbæjar. Skólinn er deildaskiptur grunnskóli : yngsta stig og miðstig (1.-6. bekkur) og unglingastig (7. – 10. bekkur). Í Grunnskóla Seltjarnarness er nemandinn í brennidepli, líðan hans og þarfir. Í skólanum er lögð áhersla á að nemendur hafi gleði af námi í hvetjandi umhverfi sem virkjar frumkvæði þeirra, hugvit og sköpunargáfu. Einkunnarorð skólans eru virðing, ábyrgð og vellíðan og er lögð áhersla á að þau einkenni skólastarfið.

Helstu verkefni 2014

Skóli á grænni grein

Í skólanum er starfandi umhverfisnefnd sem hefur umsjón með þessum þætti skólastarfsins. Lögð er áhersla á að unnið sé eftir áherslum skóla á grænni grein ekki einungis endurvinnslu heldur einnig varðandi sjálfbærni í víðum skilningi ásamt því að hvetja til vistvæns ferðamáta. Skólinn tekur þátt í Göngum í skólann bæði vor og haust. Skólinn fékk Grænfánann í þriðja sinn á haustönn 2014.

Símenntun

Árið 2014 var lögð áhersla á innleiðingu verkefnisins Læsi til náms, sem áður bar heitið orð af orði. Ráðgjafi frá Háskólanum á Akureyri leiddi verkefnið og kom að meðaltali á tveggja mánaða fresti og hitti kennara með kennslu og ráðgjöf. Þess á milli æfðu kennarar sig og verkefnisstjórar aðstoðuðu eftir þörfum. Önnur verkefni voru innleiðing spjaldtölva í kennslu, smíðjur í byrjendalæsi auk ýmissa valinna verkefna kennara og starfsfólks.

Mat á skólastarfi

Allar skýrslur sem lúta að mati á skólastarfi má finna á vef skólans.

<http://grunnskoli.seltjarnarnes.is/skolinn/mat-a-skolastarfi/>.

Þróunarverkefni

Helstu þróunarverkefni skólans eru Læsi til náms, innleiðing aðalnámskrár, innleiðing spjaldtölva í kennslu, þemakennsla á unglingastigi o.fl. Auk þess er áfram unnið með Uppbyggingarstefnuna og að festa Byrjendalæsi í sessi

Önnur verkefni:

- Skólapúlsinn mælir átta sinnum á ári líðan nemenda o.fl. (hluti af sjálfsmati skólans)

- Símenntunaráætlun birt á vefsíðu skólans.
- Handbók foreldra var uppfærð og birt á vefsíðu skólans.
- Skólanámskrá og kennsluáætlanir voru birtar á vefsíðu skólans.
- Nemendum í 10. bekk var boðið að taka áhugasviðskönnun, Bendill.
- Unnið var eftir samstarfssamningi um kennaranema við Menntavísindasvið HÍ.
- Skólaráð hóf sitt sjöunda starfsár haustið 2014.

Lykiltölur

Grunnskóli Seltjarnarness:	2011	2012	2013	2014
Fjöldi nemenda	523	502	493	504
Nemendur á yngsta stigi	135	136	134	201*
Nemendur á miðstigi	142	147	147	147**
Nemendur á unglíngastigi	246	219	212	156***
Heildarfjöldi stöðugilda við GS	90	85,5	85,8	86,5
Stöðugildi grunnskólakennara á launum	54	50	50,5	50,5
Stöðug. starfsfólks með aðra fagmenntun	11	11	11	10
Fjöldi stöðugilda annars starfsfólks	25	24,5	24,3	26
Hlutfall grunnskólakennara í fullu starfi	86%	74,5%	79%	73%
Grunnskóli Seltjarnarness -Skólaskjól				
Nemendur í Skólaskjóli (1. – 4. bekkur)	98	110	110	130
Meðaldvalartími nem. á dag í Sk.skjóli	2,5klst.	2,5klst.	2,5klst.	2,5 klst.

*1.-4. bekkur. **5.-7. bekkur og ***8.-10. bekkur.

Tónlistarskóli Seltjarnarness

v/Skólabraut

Sími: 5959 235

Veffang: www.tonlistarskoli.seltjarnarnes.is

Skólastjóri: Kári Húnfjörð Einarsson

Aðstoðarskólastjóri: Guðjón Steinar Þorláksson

Fjöldi starfsmanna: 24

Fjöldi stöðugilda: 13,28

Fjöldi nemenda: 211

Gylfi Gunnarsson lét af störfum sem skólastjóri Tónlistarskóla Seltjarnarness, eftir að hafa gegnt því hlutverki sl.18 ár, við lok síðasta skólaárs. Kári Húnfjörð Einarsson var ráðinn nýr skólastjóri skólans og tók við því hlutverki við upphaf skólaársins 2014-2015, en hann gegndi áður hlutverki aðstoðarskólastjóra. Nýr aðstoðarskólastjóri, Guðjón Steinar Þorláksson, var einnig ráðinn að starfa frá byrjun skólaársins.

Helstu verkefni 2014

Tónleikar

Tónleikar skólans voru með hefðbundnum hætti eða á þriggja vikna fresti í sal skólans. Vortónleikar skólans voru í Seltjarnarneskirkju en jólatónleikar féllu niður sökum verkfalls sem truflaði starfssemi skólans töluvert á haustönn. Samkvæmt venju voru tónleikar lúðrasveitanna haldnir í Seltjarnarneskirkju á vorönn. Vegna verkfalls tónlistarkennara (FT) féllu haustónleikar sveitarinnar niður þetta árið. Hljóðfærakynning fyrir 7 og 8 ára forskólanemendur og foreldra þeirra var haldin á degi tónlistarskólanna, en þar svöruðu kennarar fyrirspurnum varðandi hljóðfæranámið.

Tónstafir

Áframhald varð á samstarfi Tónlistarskólans og Bókasafns Seltjarnarness. Tónleikaröðin „Tónstafir“ gekk eins og undanfarin ár og tónleikar voru haldnir mánaðarlega á skólaárinu á Bókasafni Seltjarnarness.

Hljómsveitir

Frá haustönn 2014 voru starfræktar tvær aldursskiptar lúðrasveitir, A og B sveit. Strengjasveit var starfandi innan skólans, á skólaárinu. Auk áður upptalinna hljómsveita voru starfandi nokkrar popp- og jasshljómsveitir sem komu fram reglulega á skólaárinu, jafnt innan skóla sem utan.

Skólalúðrasveitir fóru í hefðbundnar æfingabúðir og tónleikar voru haldnir á vorönn. A-sveitin tók þátt í landsmóti skólalúðrasveita sem haldið var í Grindavík í maí mánuði, mótið tókst með ágætum og skipulag til fyrirmyndar í alla staði. B-sveitin fór í utanlandsferð til Spánar og tók þátt í tónlistarhátíð sem haldin er árlega í bænum Calella. Sveitin spilaði 4 sinnum á sex dögum fyrir gesti og uppskar viðurkenningu fyrir góða frammistöðu

Próf

Allir nemendur skólans taka vorpróf. Þegar nemandi hefur lokið ákveðnum áfanga í tónlistarnáminu gefst honum kostur á að þreyta áfangapróf á hljóðfæri.

Sjö nemendur luku grunnprófi, einn nemandi lauk rytmísku grunnprófi, fimm nemendur tóku miðpróf. Einn nemandi tók rytmískt framhaldspróf. Einn nemandi tók rytmískt VI. stig og einn IV stig.

Lykiltölur

Tónlistarskóli Seltjarnarness:	2011	2012	2013	2014
Fjöldi nemenda	220	221	216,5	211
Fjöldi nemenda í grunnnámi	160	170	158	173
Fjöldi nemenda í miðnámi	41	34	48	30
Fjöldi nemenda í framhaldsnámi	19	17	10,5	8
Fjöldi nemenda í lúðrasveitum skólans	60	60	60	57
Fjöldi kennara	21	21	22	24
Fjöldi stöðugilda	13,35	13,35	13,44	13,28
Ritari skólans	1	1	1	1

Menningar- og samskiptasvið

Aðsetur: Bæjarskrifstofa Seltjarnarness, Austurströnd 2

Sími: 5959 100 Bréfsími: 5959 101

Veffang: www.seltjarnarnes.is

Vefpóstur: soffia.karlsdottir@seltjarnarnes.is

Afgreiðslutími: Mánud. – fimmtud. kl. 8:00 – 16:00 og föstudaga kl. 8:00-14:00.

Sviðsstjóri: Soffía Karlsdóttir

Fjöldi starfsfólks: 8

Fjöldi stöðugilda: 6,5

Undir meginábyrgð sviðsins falla annars vegar menningarmál bæjarins og hins vegar samskipta- og almannatengsl. Undir fyrri liðinn falla rekstur Bókasafns Seltjarnarness, reglubundnir menningarviðburðir, samræming og innleiðing á menningartengdri starfsemi og hátíðarhöldum bæjarins auk framkvæmdar á ákvörðunum menningarnefndar. Einnig ábyrgð á Náttúrugripasafni Seltjarnarness, skráningu listaverka, ljósmyndasafni, Fræðasetri Gróttu og söfnum á Seltjarnarnesi. Undir síðari liðinn falla umsjón með heimasíðum og samskiptasíðum Seltjarnarness og Bókasafnsins, miðlun fréttu úr bæjarfélaginu, útgáfu kynningarrita um bæjarfélagið, kynningarmál og samskipti við fjölmiðla, félagasamtök, stofnanir, fyrirtæki og einstaklinga.

Viðburðir 2014:

Bæjarlistamaður Seltjarnarness

Ari Bragi Kárason trompetleikari var tilnefndur Bæjarlistamaður Seltjarnarness við hátíðlega athöfn á Bókasafni Seltjarnarness 27. janúar. Hann er 19. Bæjarlistamaður Seltjarnarness.

Hátíðahöld vegna 40 ára afmæli Seltjarnarnesbæjar

Fjörutíu ára kaupstaðarafmæli Seltjarnarness var minnst með ýmsum hætti á árinu. Reglubundnir viðburðir fengu meira vægi og efnt var til nýrra viðburða. Á afmældisdaginn sjálfan, 9. apríl, voru hátíðahöld víða um bæ. Útilistaverkið Skyggst bak við tunglið eftir Sigurjón Ólafsson var lagfært og afhjúpað á nýjum stöpli á nýjum stað á mótum sundlaugar og heilsugæslu. Forsetahjónin heimsóttu grunnskólabörn í Mýrarhúsaskóla og sóttu tónleika Selkórsins í Seltjarnarneskirkju um kvöldið. Auk þess flutti forsetinn Seltirningum kveðju á hátíðardagskrá á Eiðistorgi. Þar sungu einnig kórar á Nesinu og Jóhann Helgason söng lag sitt Seltjarnarnes auk þess sem bæjarstjóri flutti ávarp. Fyrirtæki á Seltjarnarnesi veittu afslætti og tóku þátt í tímamótunum á ýmsan hátt. Í Bókasafni Seltjarnarness var opnuð sýning á verkum þriggja listakvenna á Seltjarnarnesi og bæjarlistamaðurinn kom fram ásamt hljómsveit.

Seltjarnarnes og byggingararfurinn

Hinn kunnir fræðimaður og arkitekt Pétur H. Ármannsson flutti erindi um þróun byggingarlistar og byggingarstíl Seltirninga laugardaginn 12. apríl í Bókasafni Seltjarnarness í tengslum við 40 ára kaupstaðarafmæli bæjarins. Fyrirlesturinn var tekinn upp og er aðgengilegur á heimasíðu bæjarins ásamt myndum sem honum fylgdu.

Fjölskyldudagur í Gróttu

Fjölskyldudagurinn í Gróttu var haldinn hátíðlegur í tólfta sinn fimmtudaginn 1. maí kl. 13-

15. Boðið var upp fjölbreytta dagskrá. Trúbadorinn KK söng, ljósmyndasýningu Elsu Nielsen var í Fræðasetrinu, hönnunarsýningu Volka í íbúðarhúsinu og öllum var boðið upp á flugdrekasmiðju, vitaskoðun, vitasmiðju, rannsóknir á sjávarlífverum, lifandi harmonikkutónlist, ljósmyndakeppni, andlitsmálun, leiðsögn um nýju bryggjuna og vöflukaffi, sem handboltastelpur úr Gróttu sáu um. Björgunarsveitin Ársæll var á staðnum og ferjaði fólk sem ekki treysti sér til að ganga út í eyju. Um 800 manns sóttu viðburðinn.

Fornleifauppgröftur

Samningur milli Námsbrautar í fornleifafræði við Háskóla Íslands og Seltjarnarneskaupstaðar var endurnýjaður, en í honum felst samkomulag um sköpun kennsluvettvangs fyrir fornleifafræðirannsóknir á safnasvæði í landi Ness á Seltjarnarnesi. Fornleifauppgröfturinn fór fram á tímabilinu 12. maí – 6. júní norðan megin við nýja safnhúsið.

Nesstofa – Hús og saga

Ný sýning á munum tengdum læknisfræði á Íslandi var opnuð í Nesstofu laugardaginn 14. júní og var hún opin daglega kl. 13-17. Sýninguna setti Þjóðminjasafn Íslands upp en Seltjarnarnesbær réð háskólafólk til yfirsetu á henni. Það sá um leiðsögn um sýninguna og Urtagarðinn í Nesi auk þess að halda safnasvæðinu snyrtilegu. Sýningin stóð til ágústloka.

17. júní hátíðahöld

17. júní hátíðarhöldin fóru öðru sinni fram í Bakkagarði og fór dagskráin fram að degi og kvöldi. Sveppi stýrði hátíðarhöldunum en auk hans komu fram Lúðrasveit Seltjarnarness, Wally trúður, dansarinn Brynjar Dagur Albertsson ásamt félögum, söngvarinn Jón Jónsson, hljómsveitin Funk, leikatriði frá Möguleikhúsinu og danshópurinn Raven Dance. Ræðu flutti Katrín Pálsdóttir formaður menningarnefndar. Fjallakona var Fanney Hauksdóttir. Boðið var frítt í Vatnabolta, hestateyningar, andlitsmálun, hoppukastala, bátasiglingar og fleira. Um kvöldið tróðu upp söngkonan Sara Pétursdóttir og hljómsveitirnar White Signal og Hvítir Hrafnar. Hljómsveitin Ojba Rasta varð frá að hverfa vegna óveðurs en mikil rigning og vindur setti sinn svip á hátíðina. Um 2.000 gestir sóttu hátíðina.

Jónsmessuganga

Á annað hundrað manns tóku þátt í hinni árvissu Jónsmessugöngu á Seltjarnarnesi, sem fram fór þriðjudaginn 24. júní. Gangan var með hátíðarbrag en förinni var heitið milli stofnana á Seltjarnarnesi, sem fagna stórafmæli á árinu rétt eins og bæjarfélagið sjálft.

Dagskráin stóð frá kl. 20-22:30 og hófst í Valhúsaskóla. Þar veitti Ásgerður Halldórsdóttir bæjarstjóri viðtöku fyrsta eintaki af veglegu afmælistímariti Seltjarnarneskaupstaðar.

Dagskráin í göngunni var þétt og vel skipulögð en meðal atriða var söngur Selkórsins á lögum Gunnars Þórðarsonar og heimsókn í kirkjuna þar sem flutt var erindi um starfsemi hennar og sögu. Veitt var fræðsla um hæsta stað Seltjarnarness á Valhúsahæð, en göngunni lauk í Bakkavík með varðeldi, veitingum, harmonikkuleik, söng og eldlistamanni. Það var Stefán Bergmann líffræðingur, sem leiddi gönguna.

Bæjarhátíð Seltirninga

Menningarsviðið lagði hönd á plóg við viðburði, skipulagningu og kynningu á Bæjarhátíð Seltirninga sem fram fór síðustu helgina í ágúst, en það voru íbúar sem stóðu að hátíðinni. Hverfi bæjarins voru aðgreind með litum og sá hvert hverfi um sína dagskrá. Í Bókasafni

Seltjarnarness lék raggísveitin Ojba Rasta og í Eiðisskeri var opnuð sýning á verkum Huldu Hlínar Magnúsdóttur.

Kláði, sviði, verkur, bólga og pirringur

Menningarsviðið tók þátt dagskrárviðburðum í tengslum við samsýningu Kristínar Gunnlaugsdóttur og Margrétar Jónsdóttur í Nesstofu 13. september - 11. október. Þar komu fram dansflokkurinn Raven Dance, leikkonan Guðrún Ásmundsdóttir, Ásdís Ragna Einarisdóttir grasalæknir og Gunnlaugur Guðmundsson stjörnuspekingur.

Áramótabrenna

Áramótabrennan var haldin á vegum sviðsins en starfsmenn áhaldahússins stóðu fyrir framkvæmd hennar. Um 2000 manns fögnuðu við brennuna við söng og undirleik Hermanns Arasonar.

Útgáfa menningarsviðs:

40 ára afmælisrit

Á Jónsmessu 24. júní kom út 52 bls. afmælisrit Seltjarnarnesbæjar. Í blaðinu er litið yfir farinn veg en auk þess var svipmyndum brugðið á málefni líðandi stundar í samfélaginu. Ásgerður Halldórsdóttir bæjarstjóri ritaði ávarp til bæjarbúa en auk þess voru viðtöl við Ólaf Ragnar Grímsson forseta, Sigurgeir Sigurðsson fyrrverandi bæjarstjóra, aðstoðarskólastjórana Ólínu Thoroddsen og Helgu Kristínu Gunnarsdóttur, Soffíu Guðmundsdóttur leikskólastjóra, Stefán Bergmann líffræðing, Þórð Búason skipulags- og byggingarfulltrúa, Guðmund Ásgeirsson útgerðarmann, Steinunni Árnadóttur garðyrkjustjóra, Sr. Bjarna Þór Bjarnason og Hauk Geirmundsson sviðsstjóra íþróttasviðs. Pétur H. Ármannsson arkitekt fjallaði um byggingarlistarsögu Seltjarnarness, Þór Whitehead um stríðsminjar á Nesinu, Haukur Óskarsson um hálftrar aldar sögu Golfklúbbsins Ness og í myndskreyttri tímalínu, sem þræddi sig í gegnum blaðið, var stiklað á stóru í sögu Seltjarnarneshrepps frá árinu 1200 til ársins 1974 þegar hreppurinn öðlaðist kaupstaðarréttindi. Blaðinu var dreift á heimili allra bæjarbúa auk þess sem það er aðgengilegt á heimasíðu bæjarins.

Rafræn Seltirningabók

Fimmtudaginn 20. nóvember var formlega opnað fyrir rafræna útgáfu af Seltirningabók Heimis Þorleifssonar sagnfræðings á netinu. Bókin sjálf er ófánleg og hefur verið um alllangt skeið. Aðgangur að rafrænu útgáfunni er öllum að kostnaðarlausu. Í bókinni er að finna mikinn fróðleik um þróun mannlífs og sveitarstjórnar í ört vaxandi byggð Seltjarnarness. Það var Guðmundur Einarsson sem bjó bókina í rafrænt form en fyrirtækið Snara ehf. hýsir bókina.

Sérrit um Seltjarnarnes

Mánudaginn 29. desember fór í dreifingu um allt land sérrit um Seltjarnarnes. Ritinu var ætlað að kynna sterka innviði bæjarfélagsins og kosti þess að búa á Seltjarnarnesi, sér í lagi fyrir barna- og fjölskyldufólk. Umbrot blaðsins var í dagblaðaformi og var lengd þess 12 blaðsíður. Hægt er að nálgast blaðið á heimasíðu bæjarins.

Fræðasetrið í Gróttu

Starfsemi Fræðasetursins í Gróttu var með hefðbundnum hætti árið 2014. Ýmsir nemendahópar sóttu Gróttu heim og dvöldu þar um lengri eða skemmri tíma undir leiðsögn kennara eða foreldra. Góð aðstaða er í húsinu til að taka á móti hópum og ýmis búnaður til kennslu, rannsókna, verkefnavinnu, vettvangsferða, funda og veisluhalda. Upplýsingar um Fræðasetrið er að finna á heimasíðu bæjarins og þar er einnig að finna flóðatöflur sem veita upplýsingar um hvenær er hægt að komast út í Gróttu.

Lykiltölur

Fræðasetrið í Gróttu	2010	2011	2012	2013	2014
Fjöldi gistinguáttu úti í Gróttu	7	71	39	23	11
Heimsóknir skólahópa	5	10	13	4	6
Veislur, fundir og aðrar upptakomur	1	15	10	16	6
Fjöldi leigudaga á húsnæði Gróttu	13	96	58	33	23

Bókasafn Seltjarnarness

Eiðistorgi 11, 2.hæð

Sími: 5959 170

Vefang: www.seltjarnarnes.is/bokasafn

Opið mánud.-fimmtud. 10-19 og föstud. 10-17

Vefpóstur: bokasafn@seltjarnarnes.is

Forstöðu safnsins veitir: Soffía Karlsdóttir

Fjöldi starfsmanna: 8 Fjöldi stöðugilda: 6,5

Bókasafn Seltjarnarness er menningar-, mennta- og upplýsingastofnun. Meginmarkmið safnsins er að efla lýðræði, jafnrétti, athafnafrelsi og velferð borgaranna. Þjónustan skal ná til allra, án tillits til aldurs, kynferðis, kynþáttar, stjórnmálaskoðana, trúarbragða, þjóðernis eða þjóðfélagsstöðu. Það skal leitast við að jafna aðgang að upplýsingum, þekkingu og afþreyingu og standa vörð um íslenska tungu, bókmenntir og menningararf og hvetja til lesturs, náms og símenntunar. Bókasafnið er með virkt samstarf við stofnanir bæjarins og tekur reglulega á móti hópum úr leikskóla og grunnskóla Seltjarnarness. Einnig átti safnið í góðu samstarfi við nágrennasveitarfélögin um útlán, símenntun og menningarstarfsemi.

Starfsemi Bókasafns Seltjarnarness var með hefðbundnu sniði árið 2014. Fjöldi titla jókst lítillega eða um rúmlega 0,55 % á milli ára. Eintakafjöldi jókst lítillega og slíkt hið sama má segja um skírteinishafa. Samdráttur varð á útlánum úr safninu sem nemur um 5,3% og er það í samræmi við útlánstölur yfir landið allt en þó ívið minni samdráttur en á árinu áður sem var um 9%. Bókasafnið og grunnskóli Seltjarnarness hafa gert með sér samning um að Bókasafnið annast nýskráningu á bókum fyrir skólann.

Helstu verkefni 2014

Helstu verkefni Bókasafns Seltjarnarness árið 2014 utan hefðbundinnar starfsemi fólust í skipulagningu á fjölbreyttu menningar- og félagsstarfi fyrir bæjarbúa og aðra gesti Bókasafnsins.

Lestrarvakning með Andra Snæ

Rithöfundurinn Andri Snær Magnason ræddi vítt og breitt um bækur, bóklestur og fleira við drengi í 9. og 10. bekkjum Valhúsaskóla á Seltjarnarnesi á vitundarvakningu sem starfsfólk safnsins hleypti af stað meðal unglingsdregngja til að hvetja og stuðla að lestri bóka. Í tilefni af lestrarvakningunni var sett upp stór sýning á bókum sem gætu höfðað til ungra drengja auk þess sem gerður var bóka-, áhugasviðs- og efnisorðalista sem lesendurnir geta glöggvað sig á með það fyrir augum að takmarka bókaleitina við áhugamál sín. Listinn liggur frammi á safninu og er einnig á heimasíðunni seltjarnarnes.is/bokasafn. Fyrir átakið hlaut Bókasafn Seltjarnarness Jafnréttisverðlaun Seltjarnarness 2014.

Eiðissker

Sýningar í Eiðisskeri voru níu talsins á árinu. Sýnendur voru Friðrik Örn Hjaltested, Elín G. Jóhannsdóttir, Elsa Nielsen, Hulda Hlín Magnúsdóttir, Jón Axel Björnsson, Sigga Rún Kristinsdóttir og Sigursveinn H. Jóhannesson auk samsýningar, Guðrúnar Einarsdóttur, Kristínar Gunnlaugsdóttur og Sigrúnar Hrólfsdóttur og samsýningar Ingunnar Sigurgeirsdóttur og Fabienne Davidsson.

Tónstafir

Átta tónleikar voru haldnir á árinu undir heitinu Tónstafir en um samstarfsverkefni Bókasafnsins og Tónlistarskóla Seltjarnarness er að ræða. Þar komu fram tríóið Haukur Gröndal klarínettuleikari, Kristófer Rodriguez slagverksleikari og Ásgeir Ásgeirsson tamboura-, bouzouki- og saz baglamaleikari. Einnig sungu Gamlir fóstbræður undir stjórn Gylfa Gunnarssonar, tríóið Jón Guðmundsson þverflautuleikari, Berglind Stefánsdóttir þverflautuleikari og Dagný Björgvinsdóttir píanóleikari lék sem og Gunnlaugur Björnsson gítarleikari. Píanónemendur Aðalheiðar Eggertsdóttur komu fram og strengjasveit undir stjórn Helgu Þórarinsdóttur sem og tríóið Guðjón S. Þorláksson bassaleikari, Jakob Hagedorn Olsen gítarleikari og Birgir Freyr Matthíasson trompetleikari.

Bókmenntafélag Seltjarnarness

Fundir Bókmenntafélagsins voru haldnir fyrsta þriðjudag hvers mánaðar yfir vetrartímann í átta skipti alls. Þar voru ólík bókmenntaverk rædd og krufin til mergjar og í sumum tilfellum með höfundunum eða bókmenntafræðingum.

Hannyrðanámskeið

Sú nýbreytni komst á í safninu á árinu að halda ólík hannyrðanámskeið og samstarfsverkefni. Má þar nefna námskeið í fléttusaum, íslenskum krosssaum, Gróttutrefill samstarfsverkefni milli stofnana bæjarins sem bókasafnið hélt utan um en trefillinn var síðan bundinn utanum Gróttuvita á fjölskyldudegi í Gróttu.

Sögustund

Sögustundir fyrir yngstu gestina voru haldnar sjö sinnum yfir vetrarmánuðina og eiga sinn dygga aðdáendahóp.

Sumarlestur

Frábær þátttaka var í sumarlestri Bókasafns Seltjarnarness og var efnt til uppskeruhátíðar í tilefni af því þar sem öll börn voru boðin velkomin. Tónlistarleikhúsið Dúó Stemma, sem er skipað tónlistarmönnum Herdísar Önnu Jónsdóttur víóluleikara og Steef van Oosterhout slagverksleikara, leiddu á upplýsandi hátt, börn á öllum aldri inn í töfraveröld tóna og hljóða. Á hátíðinni voru börn, sem tóku þátt í sumarlestri Bókasafns Seltjarnarness, verðlaunuð fyrir þátttöku og góðan árangur í sumarlestrinum og þrjú lestrarhestar fengu vegleg bókaverðlaun, auk þess sem nokkur aukaverðlaun voru í boði.

Safnanótt

Safnanótt 7. febrúar hófst með sýningaropnun Friðriks Arnar Hjaltested í Eiðisskeri, Vísinda-Villi skemmti börnum, kóraperlur undir stjórn Ingu Bjargar Stefánsdóttur voru sungnar, Djasstríó Hauks Gröndals lék og föndursmiðja var haldin undir stjórn Ásdísar Kalman myndlistarmanns og kennara.

Rithöfundakynningar

Árleg rithöfundakynning fór fram undir stjórn Súsönnu Svavarsdóttur þriðjudagskvöldið 25. nóvember þar sem fram komu Einar Kárason, Gerður Kristný Guðjónsdóttir, Guðrún Eva Mínervudóttir og Stefán Máni Sigþórsson. Um 100 manns sóttu kynninguna. Boðið var upp á kaffi og gómsætar smákökur úr Björnsbakaríi. Einnig fór fram í nóvemberlok höfundakynning fyrir börn þar sem Inga Björg Stefánsdóttir og Sírý Arnardóttir lásu úr bókum sínum.

Námskeið og fyrirlestrar

Nokkurra daga námskeið um Egilssögu fór fram í Bókasafninu en því stjórnaði Kristín Jónsdóttir.

Aðrir viðburðir og sýningar

Sérstakar sýningar og uppstillingar í Bókasafninu þetta árið voru tengdar hannyrðum, gönguferðum og vorverkum, íslenskum myndlistarkonum, Nóbelsverðlaunahöfum, Vesturförunum, konum og baráttumálum kvenna í tilefni af alþjóðlegum degi kvenna, Einari Ben 140 ára, Norrænu bókasafnavikunni og Þórarni Eldjárn en hann átti 40 ára rithöfundarafmæli á árinu. Fuglafræðingurinn Jóhann Óli Hilmarsson og listamaðurinn Sigga Rún Kristinsdóttur buðu upp á spjall í Eiðisskeri um sýninguna Flögr. Á degi náttúrunnar bauð safnið Ómari Ragnarssyni í heimsókn og jafnframt var stillt upp bókum og öðru efni eftir Ómar. Bókasafnið tók þátt í Alþjóðadegi barnabókarinnar með uppstillingu. Sýningar frá börnum í Odda og Mýri voru settar upp. Einnig var boðið upp á borðleiki og útstillingu á Línu langsock og Múmínálfum. Útstilling var á sakamálasögum fyrir börn, léttlestrarbókum og jólabókum og Bangsadagurinn var haldinn hátíðlegur með bangsauppstillingu. Í tilefni Hinsegin daga 5. - 10. ágúst bauð Bókasafn Seltjarnarness gestum að kynna sér fjölbreytt úrval bóka og mynda sem fjalla um samkynhneigð á einn eða annan hátt.

Alls voru haldnir 121 viðburður á safninu árið 2014 sem 4.242 gestir sóttu. Þar af voru 70 viðburðir fyrir börn og fjöldi barna sem sótti þá þetta árið voru 1.355. Bókasafnið lánaði eða leigði aðstöðu sína fyrir 11 viðburði sem 312 manns sóttu.

Lykiltölur Bókasafns Seltjarnarness

Ár	2010	2011	2012	2013	2014
Fjöldi titla	33.009	33.916	33.263	34.271	34.455
Fjöldi eintaka	53.400	54.758	53.289	53.383	54.492
Lánþegar með gilt skírteini um áramót / lánþegar með gilt skírteini sl. 3 ár	2.097	2.053 / 4.226	1989 / 4047	1.996 / 3981	1.925 / 3.874
Lánþegar í póstrn. 170 / sl. 3 ár		837 / 1.631	787 / 1627	799 / 1.549	786 / 1.559
Lánþegar(konur) með gilt skírteini / sl. 3 ár	1.419	1.390 / 2.726	1282 / 2531	1.437 / 2780	1.263 / 2.384
Lánþegar(karlar) með gilt skírteini / sl. 3 ár	506	475 / 1.125	453 / 1028	525 / 1.143	431 / 972
Nýir lánþegar á árinu / sl. 3 ár	525	497 / 1.831	490 / 1602	479 / 1541	461 / 1.494
Fullorðnir (18 ára+) / sl. 3 ár	1.708	1.690 / 3.354	1631 / 3236	1.591 / 3.192	1.550 / 3.067
Ungmennir (13-17 ára) / sl. 3 ár	92	87 / 244	69 / 189	115 / 293	84 / 251
Börn (0-12 ára) / sl. 3 ár	243	226 / 529	247 / 521	233 / 410	245 / 477
Heildarútlán	69.840	67.168	69.090	63.452	60.063
Heildarútlán bóka	55.735	53.730	51.923	47.959	45.439
Heildarútlán tímarita	9.426	9.072	10.053	8.763	8.240
Heildarútlán mynddíska	2.133	1.914	4.412	4.261	4.040
Heildarútlán myndbanda	52	52	38	15	Á ekki við
Heildarútlán hljóðbóka / snældur		30	17	34	1
Heildarútlán hljóðbóka/geisladiskar		1.505	1.786	1.517	1.342
Fjöldi viðburða og sýninga á vegum safnsins	101	123	135	148	121
Fjöldi gesta á viðburði og sýningar á vegum safnsins	2.125	3.264	3.272	3.780	4242
Þar af viðburðir fyrir börn	58	76	89	85	70
Viðburðir þar sem safnið lánar og/eða leigir húsnæði	26	19	15	20	11
Fjöldi gesta á viðburði þar sem safnið lánar og/eða leigir húsnæði	516	956	532	528	312

Viðburðir og gestafjöldi

